

Kaj se mora znati

Kuliko je bogov? *Jeden je Bog.*
Kuliko je (peršona?) *Tri (prilik sobstva)*
Kak se zoveju? *Otec, Sin i Duv Sveti.*
Jeli (tera) od (tere) stareša? *Ni.*
A zakaj? *Kaj ti su one se tri skupa v reči imenuvane Presveto Trojstvo.*
Do nas je stvoril? *Otec Bog nebeski.*
A zakaj? *Da ga falimu i dičimu i negve zapovedi obdržavam.*
Do nas je otkupil? *Sin Boži.*
De? *Na svetom križu z mukum i smrtju z neprecejnenum krvju.*
Do nas je posvetil? *Duv Sveti.*
De? *Na svetom krstu.*
Kak se križa? *Križa se z desnum rukum na čelo, na prsa, od levoga remena na desno i zlamenuje se govoreč: "V ime Oca i Sina i Duva Svetoga. Amen."*

Kak se k spovedi pripravlamu

Prvič: Moram zafaliti Gosponu Bogeku ki me počakal od zajedne spovedi do denešnega dena, ki mi ni dal v moje gre'e dušice pogubiti.

Drugoč: Moram zazvati dara Duva Svetoga ki mi resveti pamet moju i srce vužge da se bum mogla pri Božem namesniku pravično spovedati i za se gree moje očku duovnom valuvati;
Spitavati se čez desetero, čez petero, čez glavne gree, kaj sem včinila z mišlejnem, govorejnem, činejnem.

Trejtich: Požaluvati se

Četrtrič: Pokoru zvršiti po spovedi. Amen.

Šestero

Šest rečic ke mora saki človek znati i verovati gda k pameti daje.

Prvič: Jen je Gospon Bog.

Drugoč: Bog je pravičen sudac ki dobre naplati a malo vredne kaštiguje.

Trejtich: Tri su Božajnske (peršone) v jenom bitju naravne; Otec, Sin i Duv Sveti.

Štrtič: Božajnska (peršona) Sin Boži Jezuš Kristuš je človekom postala (prilika) i za nas muku trpela.

Petič: Duša je človečajnska nevmrtelna i na Boži kip stvorjena.

Šestič: Prez milošće Bože ne moremu nišće včiniti za zveličejne i greov oprošćejne. Amen.

Kaj je ižni zakon?

Ižni je zakon vezilo ne rezdružilo, de se dve

dušice skupa jemleju i v hižni zakon stupuju i svoju decu v Božem stravu otrajnuju.

Kaj se mora znati

- 10 zapovedi Bože
- 9 Bože korušev
- 8 Bože stolnakov
- 7 Marije vesele
- 6 gar na morju
- 5 ran na Bogu
- 4 evandelisti
- 3 patrijari
- 2 taldamonoži
- 1 vera 1 Bog

Sedem glavne greov

- 1 Gizdost
- 2 Skupost
- 3 Praznost
- 4 Nenavidnost
- 5 Lakomost
- 6 Srditost
- 7 Duovna lenost

Sedem svete šakramentov

- 1 Krst
- 2 Duva Svetoga potvrdejne
- 3 Presveto Telo Jezušev
- 4 Pokora
- 5 Zajdna pomast
- 6 Sveti red
- 7 Ižni zakon

Petero

Pet zapovedi Cirkvene

Prvič: Se svetke od svete matere Cirkve napravlene marno sveti.

Drugoč: V saki svetek i nedelu svetu Mešu pobožno poslušaj.

Trejtich: Korizmena, Kvatrena vršajna posti ter po petke i sobota mesa neječ.

Štrtič: Sako se leto spovedaj najmene jeden krat svojemu lastovitomu pastiru ali ž negvem dopušćejnem i drugomu, i okoli Vuzma pričeščaj.

Petič: Po vremenu od Cirkve prepovedanom svadbe ne služi.

Zavetniki Kraljevstva Horvatskoga:

Sv. Ilija - Sv. Iva Krstitel - Sv. Rok spovednik

Molitve

Jutarnje molitve

Oca Boga mudrost, Sina Boga moč, Duva Svetoga prave vere stalnost, Blažene Device Marije čistoća čuvaj telo i dušicu moju. Amen.



Djevojčica s ivančicama u "pahači" (širokoj košuljici koju su nosila djeca oba spola do polaska u školu) tipična je mala Turopoljka svijetle kose (Snimio Vojko 1939)



Da domaćica jutro ogen kuri moli:

Leti križ poyr iže,
Ni križ neg je bran.
Brani Bože ovaj (stan) dan.
Našu ižu
V ne su četiri vugla
V sakom sedi angelek
V naižju (dimnjaku) Deva Marija
Krilom ižu pokrila
Svetom rukom križala
Naj bi mi se letavka vužgala
Kaj se nebi ižica opalila

Na mem čelu Sveti križ
Na ma vusta Sveti Duv
Na me duše krepost Boža.

Sveti Iva(n) Krstitel koj si našega Gospona Jezusa Kristuša pri Jordanu potoku krstil dej i mene opčuvaj od mojega grešnoga dela i od ognja peklenskoga i pomози me saki čas Otec i Sin i Duv Sveti. Amen.

Gda se mivaju jutro mole:

"Otec naš" i "Zdrava Mariju" za dušice ke su se potopile.

Jutro na Vuzem mole:


Blažena Devica Marija
Dej ti meni dober stan
Ja bum tebe dober glas:
"Sinek ti je gore vstal
Na denešni den."

Molitve pri jelu

Dej nam Bog dara Duva Svetoga ki nam prekriži i blagoslovi ovo naše jelo i pilo i se naše dobro delo.

Prekriži mi Bože ov sveti dar s kem se bum naranila.

V ime Bože križ Boži pri našem jelu i pilu i sakom našem dobrom delu kam se gene-
mu i okrenemu. Da Bog blagoslovi.



Bog prekriži pilo i jelo, dušu i telo. Bog nas poživi kak bumu mogli jošček Božega dara vuživati i skup stanuvati.

Dojdi Bože k nam i k našem obedu blagoslovi naše pilo i jelo i se naše dobro delo a dojdi Bože i k našem mladičom kak budu i oni navek Boga na pameti imeli. Nega k



Janko Fabečić iz Gradića, odličan otac dvanaes-
tero djece i ugledan kućegospodar izriče molitvu
na sva četiri "vugla hiže" za vrijeme oluje. Obred
blagoslova za vrijeme oluje bio je od vrlo velike
važnosti. Kuće su bile drvene, pokrite slamom.
Gospodar zadruge uzeo bi u desnu ruku križ, a u
lijevu blagoslovljenu svijeću koju bi zapalio i mo-
lio "zaufano". Družina bi stajala oko njega, u
krugu, sklopljenih ruku. (Snimio Vojko 1938)

sebe zazavali, ž Nem navek veka živeli i
vuživali i mi si skup. Amen.

Bog prekriži delo i težake!

Fala Bogu i Majke Bože ka nas je naranila i
napojila Božem darkom.


Bog blagoslovi! Fala ote i vi (Jeduč). Plati
Bog.

Zafalimu dragomu Bogu ki nas je naranil i
napojil svojem svetem darom?

Fala Očku Bogu nebeskomu ki nam je dal i
blagoslovil ovo jelo i pilo š čem smu nara-
nili naše grešno telo.

Molitva u oluji

V prvom kutu Sveti Križ
I v drugom kutu križ
Trejtem kutu križ
I v četvrtom kutu križ
I sred iže križ
I s križem vrata podprta
A z Božum moči(reči) zacvrta
Beži beži ze se četiri stran
Nečisti duv 'uda stvar
Ide k nam Jezuš i Marija
Prekriži nas se skup
Sveti križ i sveta voda. Amen
Svetum reči i svetem blagoslovom.



Strelovita molitva

JESUŠ, JOŽEF, MARIJA! (Potpun oprost na smrtnom času)

Misne molitve

Vera Boža

Ja verujem: v Bogeka Oca Vsemogućenoga ki je stvoril nebo i zemlu i v Jezusa Kristuša Sina negvoga jedinoga Gospona našega ki je prijet po Duvu Svetomu rodil se od Device Marije mučen pod Pantušem Pilatušem, respekt, vmrl i pokopan. Stupil dole nad pekel na trejti den vstal gore od mrtve. Zastupil je na nebese i ondek sedi na desnici Oca Bogeka. Odondek oče dojt i suditi žive i mrtve. Verujem v Duva Svetoga, svetu Crkvu Katoličajnsku, sveto općinstvo, gree oprošćejne, tela gore vstajne i žitek vekuvečni. Amen.



O Bog moj dobro moje i vufajne moje ja s vu Te vufam i žalujem se kaj sem Te dobrog Boga vredila. Obetam stalno i trdno, več ne grešiti, od se grešne prilik bežati i prosim tebe otec duovni za gree odvezane hasnovitu pokoru i sveti blagoslov. Amen.

Tuliko rećic denešnjeg svetog Evangeliuma po kem nam dej dragi Bog dobro živeti i srećneše vmreti Bogu fala.

Otec naš

Otec naš ki si na nebese, sveti se ime Tvoje, dojd i nami kraljevstvo Tvoje budi vola Tvoja sveta kak je na nebu takoj i na zemle. Kruva našega segdašnjega dej nam ga denes i otpušćaj nam duge naše kako i mi otpušćamu dužnikom našem, ne vpelaj nas vu skušavajne neg nas oslobodi od zla. Amen.

Oćemu pozdraviti Mariju

Nazvestil je jangel Marije, Marija ga prijala Sinka svega od Duva Svetoga, Zdrava budi Marija milosti si Bože puna, Gospon je Bog s Tobum i da si Ti blagoslovljena i blagoslovljen sad vutrobe Tvoje Jezuš. Sveta Marija Majka Boža moli Bogeka za nas grešnike vezda i na vuru smrti naše.

Amen.

Službenica Gosponova, budi mi polek reći Tvoje...

Zdrava budi Marija...

Reć Boža Telom postala i med nami prebivala...

Zdrava budi Marija...

Molimu Te Gospone milošću Tvoju prosimu Te vlevaj v pameti naše, ki smu po jangelskom pozdravljenu vpoznani k nazvešćejnu Sinka Tvega, telooblećejnu, k poznajnu muke i križa zapelani da bumu gore na diku po istomu Kristušu Gosponu i Zveličitelu našem Amen.

Drugoć prijde nećisti duv i skušava ćloveka ovak:

Kaj sveta Katolićajnska Cirkva to obdržava vu sebi?

Kak je to moguće da bi u Božajnstvu bile tri prilike i jeno biće?


Kak bi to bilo da bi Devica porodila Dete i potlam divojka ostala?

Kaj je v Jezusu zjedijnena Božajnska i ćlovećajnska narav?

Će ne znaš i nimaš koga da ti o tom pove kak to tolmaći sv. Mati Cirkva katolićajnska moli Matere Bože Marije na falu i diku, "Zdrava Kralice" da te ona okrepi vu vere svete i da zmoli Sinka svega da On names-tu tebe odgovori nećistomu duvu vu te napasti.

Zdrava Kralica

Zdrava Kralica Mati milosrdnosti, žitek, slast i vufajne naše Zdrava budi. K tebi krićimu pregnani Eve sini, K tebi zdihamu skućeć i plaćuć vu voj suznoj doline. Nu anda zagovornica naša one Tve milosrdne oći k nam obrni i Jezuška blagoslovljeni vtrobe Tvoje sad nam po vom pregnajnu pokaži. O milostivna, o pobožna, o slatka Deva Marija Amen.



*Čin vere**

Verujem vu Te Bogeka mega da Ti jesi i da jesi jeden jedini v Božajnstvu i troj v prilika, Otec, Sin i Duv Sveti. Verujem da druga prilika Sin Boži po kreposti Duva Svetoga vu vutrobe Blažene Device Marije človekom je postal, rodil se i se nas otkupil, da oče dojtí suditi žive i mrtve, da dobre oče nadeliti z dikum nebeskum a grešne kazniti z mukami peklenskim. Verujem tulikajše se ono kaj veruje i vuči sveta Mati Cirkva rimska katoličajnska a se pak zato verujem kajti si Ti Bog ovo nazvestil koji jesi i mudrost neprisezna i istina vekuvečna i zato niti vkaniti moreš niti vkajnen biti ar se znaš i vidiš. O Bogek povekšaj veru moju.

Čin vufajna

Vufam se vu Te o premili Bog moj da Ti mene po vrednosti muke i smrti Jezusa Kristusa oprostiti očeš se gree moje i dati diku nebesku kaj Ti vsemoguči dati moreš, kaj si obečal i vu obečajnu svojem stalen i veren jesi. O Bogek objači vufajne moje.

Čin ljubavi

Lubim Te o Bog moj ze segá srca i duše svoje zvrhu se stvari i več neg samoga sebe kajti si ti sam sebi i vu sebi neprisezno dobro i poradi Tebe lubim bližnega mega kakti samoga sebe. O Bogek zažgi z ognem ljubavi Tvoje srce moje ter z ove goruče proti Tebe ljubavi, kruto se žalujem da sem Tebe dobrotu nepriseznu i (kad) da vredila. Odurjavam se i slejdne sega živlejna mega gree i mrzim na jne več neg na nikakovo drugo zlo. A da bi včiniti mogla da Te nigdar vredila nebi. Obetam da se oču od vezda po milošče Tve od sakoga grea habati i čuvati i rajše vmreti nek Tebe najvekše dobro z kojem greom najmre pak ze smrtne vrediti. Za se pak včijnene oču se po milošče Tvoje spovedati i dostojnu pokoru včiniti. Anda smiluj mi se o semoguči moj Jezus i budete mi napomoč milostivna Marija i sveti Jožef Amen.

Hodi Duv Sveti

Hodi Duv Sveti trejta Božajnska prilika duše naše posvetitel i sega dobra nadelitel. Nadevni pameti naše, z ognem ljubavi svoje zažgi srca naša da sveti Evangelium i navuk krščajnski moremu dobro razmeti, zapametiti, obvršavati i obvršavajuč duše

svoje zveličiti. Po Jezusu Kristusu Gosponu našem Amen.

Sveta Meša je nekrvno žrtvuvalne Novoga Zakona, večnega spomenka ku je sam Jezus za nas dovršil.

V četvrtak na spominek smrtne stiske Jezuseve. Na gore Olikove zdiavam gliboko i turovno se prežalosna duša moja nu Otec moj nebeski naj se spuni vola Tvoja. Jangel Gosponov objači mega krvnem potom oblejanog Otkupitela a ja trepim ar prevelika žalost zaimle srce moje. Žuvke suze prelevaju moje oči. Mega Zveličitela batvori Jangel sveti na pregorku muku za nas duše krščajnske. Moli Otec naš...

Na spominek smrti Jezuseve v petek. Nu ti Jezus vmira respekt med dvema razbojnikima na križu. Negvo presveto lice ranami opsipano preblede. Preleva Gospon svoju neprecejnenú krv za grej sveta. Budi nam pozdravljen dobrotiven Otkupitel naš. Z najvekšum žalostjum lubim Tvoje svete rane i vujne se zakrivam preslatki Jezus. Blagoslovi mene milostiven da pobožno živim i blaženo mernem za volu Tvoje Presvete Ran. Jezus smiluj se nam.

Poštujem Te sem srcem o presveta Marija zvrh se jangelov i svecev na nebese, ar si čerka Višnega Gospona, ar si mati jedinoga Sina Gospona našega Jezusa Kristusa, ar si zaručnica Duva Svetoga. O Marija moli navek i na skrajndnu (vuru) čas Bogeka za nas. Amen.


Opčinska spoved

Spovedam se Ocu Bogu vsemogučenomu Blažene Marie segdar Device, Blaženomu Mialu arkandelu, Blaženomu Ivanu Krstitelu svetem japoštolom Petru i Pavlu sem svecem i svetičicam Božem i Tebe Otec duovni ar sem kruto pregrešila mišlejnem, govorejнем i činejнем, zato velim, moj grej, moj grej, moj preveliki grej. Zato prosim Blaženu Mariju segdar Devicu, blaženoga Miala arkandela, blaženoga Ivana Krstitela, svete japoštole Petra i Pavla, se svece i svetičice Bože i Tebe Otec du'ovni da se molite za me Gospona Bogeka našega. Amen.

Požaluvajne

Za ve i za se druge greje moje znane i neznane, lastovite i tude žalujem se kruto


* Mnogi su starci znali napred od sake nedele sv. Evangelium povedati napamet



Mama sa sinekom koji "lubi Bogeke". Dora Župetić sa svojim malim Brankom. "Domaći stolec pred pristoškom", roba jednostavna, domaća, vrlo uredna. Lijepo se vidi "rožničana rubača". Na glavi "svilni rubec". Spremila se "k Meši" i pred odlazak još jednom miluje svojeg "najmlajšega". (Snimio Vojko 1937)



kaj sem Tebe Bogeke moj ikad vredil. Odurjavam se i slejdne sega živlejna mega, greja, mrzim, naj neg več ijakovo drugo zlo. A, da ne bi nigdar to včiniti mogel vrediti Tebe. Rajši vmreti neg Tebe najvekše dobro vrediti, Bog moj. Milostiva Marija, sveti Jožef pomozete Amen.



Molitva za prijatela i neprijatela

Preporučam o dobri Bogeke vezda i segdar Tebi telo i dušicu sluge Tvega... žitek i smrt negovu, da se po kreposti Tvega blagoslova ojazde negvi puti i steze po Tebi ramnaju i da od se svoje neprijatelov videče i nevideče, na duše i telcu opčuvan i obrajnjen segdar ostane. Po Jezusu Kristušu našem Gosponu i Zveličitelu Amen.


O presveto Telo blagoslovi se nas i posveti ono telo ko te bu prijelo.

Z glibine...

Z glibine sem kričal Tebi Gospon:
Gospon posluni glas moj
Poslušna naj budu vuva Tvoja
Na glas prošne moje
Če buš hudobe zadržaval
Gospon Gospon do 'oče obstati?
Ar je pri Tebi pomiluvajne i poradi pravice Tvoje
Čekal jesem Tebe Gospon
Čeka duša moja poleh reči Negove
Vufala se duša moja v Gospona
Od ranoga zkoznuvajna tem do noči
Naj se vufa Izrael v Gospona
Ar je pri Gosponu milošča
I otkuplejne je pri jnem obilato
I On oče odkupiti Izraela
Od se krivic negove
Pokoj vekuvečni daruj nam Gospon
I svetlost vekuvečna naj jem sveti. Amen.

Spominaj se vezda...

Spominaj se vezda o krščeni človek
Doklam živeš gustokrat
Od smrtnoga časa od sujdnega dana
Od računa davajna
Peklenskoga ognja, nebeskoga raja
Vekuvečnoga blaženstva.
Vpasti ti je vlešku dojt ti je na skok
De ti je smrt zasela: denes? Zutra?
Rano? Večer? Da Božja bu vola.
Ne moreš je vujti, ne moreš je rečjum
Niti mitom vkaniti.
Vu čem te smrt najde v tom te Bog opita
I na veke odsudi
Ni jedne ti vure zarad pokore nigdar
Več ne posudi.
Če te v gre'u najde v pekel ti prisudi
A nebo ti odsudi.
Ne bude te ondek blago ni gospodstvo
Pred Sucem spričavalo.
Samo dobro delo če ga ne pogubiš
Bu te zagovarjalo.
Zvuna dobra delca, kaj si godek imel
Bude na te kričalo
"Nijeden ne more zlum smrtju vmreti
Koj ozde pravično žive.
Kruto redko krat on dobro vmira



Originalni tip stare turopoljske žene. Spremala se "k Meši". Starinsko "opleče" od domačega platna. "Rubec" na glavi "delenasti", "kupovni" od tanke i fine vune. U rukama drži "rupčec". (Snimio Vojko 1935)

Koj oizde grešno žive" tak do reči
Vjene svoje knige sveti Augustin piše.
Zviše toga pismo je svetoga Jeronima:
"Da ne more človek i ovde imeti
I tam gore blaženstva da je nemoguće
V dobro nebesko z dobra prejt zemel-
skoga".
"Kaj hasni človeku sega sveta blaga"
Gospon Jezuš veli če dušu pogubi
Ter nebo zgubi. Bole bi mu bilo da se ne
rodil
Komu je v pekel dojt.
Spominaj se anda o krščani človek
Doklam si zdrav gusto krat
Da ti je vmreti i s tvojega žitka Bogu račun
dati.
Fala budi Bogu gore na visine
A ludem mir na zemle
Koji na svoju dušu dobru pasku nose
Koj se Boga boje i ne gre'e mrze
Ter segdar dobro delaju. Amen.

Poslušajte si ludi...

Poslušajte si ludi vbogi i bogati
Kak imate Bože zapovedi razmeti
Koje jeste se dužni i znati i razmeti
I obržavati neprestance do smrti



Če Bože Kralevstvo očete imeti.
 Slobono je i dobro Svece zazvati
 I ni'ove kipe segde poštvati
 Vujne gusto z očimi kak v knige gledeti
 Ter premištvati kak su živeli
 I kak je nam potrebno ne nasledovati.
 Poštuj Oce Duovne tve duše Pastire
 Oni budu Kristušu težek račun davali
 Za svoje ovčice.

Klajnam Ti se...

Klajnam Ti se o presveto Telo Jezuševu
 Ja sem Tvoj živ i mrtev.
 Klajnam ti se o presveta Krvi Jezuševa
 Tvoj sem živ i mrtev.
 Operi gree moje osnaži dušu moju.

Ove moje molitvice...

Ove moje male molitvice
 Če su i kratke
 Da bi bile lublene
 I mojem jangelku čuvau
 I prijetne pri Očku Bogu nebeskomu.

A svet, svet...

A svet svet
 Presveto Telo Jezuševu
 Duše moje za ranu dano
 A svet svet
 Presveta Krvi Jezušu
 Duše moje za pilo dana.

Sveta mlada nedela

Sveta mlada nedela(ica)
 Ku mi ludi fale
 Jangeli na nebu

I ves dvor nebeski.
 Amen.

Pozdravleno budi...

Pozdravleno budi telo Jezušu
 Pozdravlena budi i krv Jezušu
 O presveto telo Jezušu
 Po Tebe se saka zveliči duša.

Jezuš stal se

Jezuš stal se na nebese
 Nebesa se otvarjala
 Jangeli se poklajnali
 Sveto nebo nosili. Amen.

Hodi Duv Sveti...

Hodi Duv Sveti pamet resveti
 Reč Božu dej razmeti
 Dej stvorejnu Bože svomu
 Po putu oditi pravomu
 K Tebe Bogu dojt svomu

Duša Jezuškova

Duša Jezuškova posvetime!
 Telo Jezuškovo zveličime
 Krvi Kristuševa opojme
 Vodica spod rebre Kristuševa operime
 Muka Kristuševa okrepi me
 I smrt Jezuškova obatri mene
 O dobri Jezuš posluni me
 Med rane Tvoje položi me
 Od Tebe rezlučiti ne prepustime
 Od neprijatelov brani mene
 Polek Svete svoje nastanime
 De Te ž nemi skup falim i dičim
 Na se veke vekuvečne. Amen.

Litanije

Litanije od Muke Kristuševe

Gospon
 Kristuš
 Gospon
 Otec Bog nebeski
 Sin Bog Otkupitel sveta
 Sveti Duv Bog
 Sveto Trojstvo jen Bog
 Jezuš za trideset srebrne prodani
 Jezuš po nevernom Judašu prodani
 Jezuš na smrtne muke krvavem potom polejani
 Jezuš kod razbojnik vlovleni i povezani
 Jezuš pred poglavnikom Judeškim v lice vudreni
 Jezuš v Kajfaševe iže od Petra trikrat zatajeni
 Jezuš pred Pilatušom krivo tuženi
 Jezuš po Jeruzalemu gradu na obšanost restezani

Smiluj se nam (meni)

"
 "
 "
 "
 "
 "
 "
 "
 "
 "
 "
 "

Jezuš od Herodeša osmežani	Smiluj se nam (meni)
Jezuš belum svitum na rogajne oblečeni	"
Jezuš k stupu privežani	"
Jezuš nemilostivno i strašno bičuvani	"
Jezuš sramotno popluvani	"
Jezuš z ostrim trjnim korujneni	"
Jezuš Judašem kral na smeh prezvani	"
Jezuš od pet do glave ves zrajneni	"
Jezuš na smrt obsujeni	"
Jezuš pod teškim križem restezani	"
Jezuš kod ovčica na smrt popelani	"
Jezuš z ostrimi čavli na križ prikovani	"
Jezuš med dvema razbojniki respeti	"
Jezuš na križu glasnovito opsovani	"
Jezuš z čemerom i octom napojeni	"
Jezuš koj si v strašne muke glavu nagnul i Dušicu spustil	"
Jezuš po smrti v prsa uboden	"
Jezuš po prijatele, v Majke tužne naručaj položeni	"
Jezuš po Marije žalosne suzami oplakani	"
Jezuš v novi grobek zrezani zakopani	"

Milostivi budi	Oprosti mi Jezuš
Milostivi budi	Posluni me Jezuš
Od hude, nagle i nepripravne smrti	Oslobodi me Jezuš
Od skušavajna nečistaka na smrtne vure	"
Od greja i vekuvečne smrti	"
Po Tvoje britke muke	"
Čez pet krvave ran Tvoje	"
Čez krv Tvoju prelejanu	"

(Ja) Mi grešniki	Prosimo Te posluni(me) nas
Da pobožno Tvoje muke	"
i smrti spominajne v mene obdržiš	"
Da mi na smrtne vure pravdene pokore	"
milošču i dara ne skратиš	"
Da me v nošejnu križa Tvega objačiš	"

Jaj nec Boži ki vzi maš gre'e sveta	Oprosti (mi) nam, Jezuš
Jaj nec Boži ki uzimaš gre'e sveta	Posluni (me) nas, Jezuš
Jaj nec Boži ki vzi maš gre'e sveta	Smiluj (mi) nam se, Jezuš

Kristuš (čuj nas) posluni nas
 Kristuš smiluj se nam
 Gospon smiluj se nam

Molemo

Gospon Jezuš Kristuš Zveličitel sveta za nas respeti ponizno Ti se molimo za Tvoju svetu muku i smrt koju si za naše i sega sveta otkuplejne na križu podjel. Smiluj se i včini da z ovoga sveta v Tve milošče srečno preminemu. Koj živeš i kraluješ z Ocem i Duvom Svetem, Bog jedini, na se veke Amen.

Si Boži Sveci i Svetice i moj sveti zagovornik po imenu... molete za me i pomozete mi na moje skrajne vure. Amen.

Jezuš Zveličitel moj smiluj mi se
 Marija Mati Boža moli za me

Tvoje svete ruke Gospon Jezuš Kristuš preporučam dušu svoju i telce svoje Bog moj i Gospon moj i se dobro moje. Verujem vu Te, vufam se vu Te, lubim Te ze sega srca svega. Otec i Sin i Sveti Duv, odičeno sveto Trojstvo, početak moj, konec moj i moja vekovečnost. Amen.

Molitve Isusu i Sv. Križu



"Križno drevo" na raskrižju blizu kurije pl. Bedeković u svom zimskom ruhu (Snimio Vojko 1937)



Jezuš sveti...

Jezuš sveti
Na križu respekti
Tebe se klajnamo
Tebe falimu
Po Tve Muke prežuvke
Rada bi se zveličiti.
Amen.

Stoj, stoj, Spasitel...

Stoj Stoj Spasitel
Sin Device Marije
Hodi sim Boži Sin
Slatko ime Jezuš Kristuš.
Ja verujem v rane Tvoje
Da ne zabim gre'je svoje.
Kaj sem grešnica zagrešila
Z danka do danka
Zagovori me Mati Marija
Slatko ime Jezuš i Marija Amen

Jezuš Kristuš...

Jezuš Kristuš zmožnoga Boga Sin
Koj si za nas na križ respekt bil
Ter si Oca Boga serdu vtažil
I milošću negovu nam dobil.
Smiluj se Ti smiluj se nad nami.

Obrni se Gospon obrni
Lica od nas svega ne odvrni
Serdu Tvoju od nas se odvrni
I milošću Tvoju nam povrni.
Božja Mati Devica Marija.
I sa druga nebeska družina
Vezda za nas grešnike molete
I milošću Božu nam dobete.
Fala budi Ocu nebeskomu
I Jezušu Sinu negovomu
Dika budi i Duvu Svetomu
Z Ocem Sinum jedinomu Bogu.

Vidiš Otkupitel...

Vidiš Otkupitel moje rane nuterne,
Kak me na zlo vleče pohabno želejne,
Kak me vabi na grej i na su hudobu
Moje zvajnsko čutejne.

Denes petek peti den...

Denes petek peti den
A Jezušev mučen den.
Jezuš mučen i rajnen
Na križ drevca postavljen
Negve rane svete
Veliike i male
S krvju su oblete
Vstani stani Marija.

Kokotek zapeval
 Marija zadremala
 "Vstani stani Marija"
 Krikni vikni: "Marija"
 V protuletni denek
 Sam Te (Sinek) Jezuš zove
 Krvca mu teče
 Ze svetog obraza
 Judaši su prešli
 Tvega Sinka vlovili
 Pelali ga na gorju
 Na gorju Kalvariju
 Tu ga jesu mučili
 Na križ su ga respeli
 Svetu krvcu pustili
 Jangeli je preimlu
 V kaličke ju mečeju
 V sveto nebo nosiju
 Marije se klajnaju. Amen.

Pojdimo duša...

Pojdimo duša na Boži put
 Na Boži put za Jezušom
 Za Jezušom na goru
 Na goru visoku
 Tam buš videla duša ti
 Kaj Jezuš za nas se trpi
 Za volu naše gre'ov
 Na križu respekt je.
 A sveti križ živlejne luč
 A sveti križ nebeski kluč.

Sinko de si bil...

"Sinko sinko de si bil"
 "Bil sem tam de svet se sveti
 Lude jesem navučaval
 Kaj me budu falili, dičili
 I po smrti zveličili."
 Ki to more zreči
 Jutrum i večerum
 Dušicu bu zveličal
 Očku i matere
 I samomu sebe.

Išle jesu tri device...

Išle jesu tri device
 Saka nosi tri svečice
 Med sobum se spominale
 Ka de bude prebivale.
 Tu jem bilo dano stati
 Pred svetoga Petra vrati
 Sveti Peter poglavnik
 Sem dušicam pomočnik
 Tu jem kaže pravi put
 Kud Marija klecala
 Bele ruke mivala
 Čašicu nalevala
 Čašica je jeknula
 Po sem svetu žveknula
 To Judaši začuli
 Nit su jeli ni spali
 Suncu zajti ne dali
 Jezuša su iskali
 Pilatušu pelali
 Trnemi korunili
 S križem težkem tirali
 Za jnem negva sveta Mati
 Tekom teče vikum viče
 Plakum plače:
 "Počkaj mene mili Sinko
 Pomorem Ti križa nosit
 Po tom borku i kamenku"
 Veli Jezuš Majke svoje
 Poslušajte se dušice:
 "O Marija Mati sveta
 Več' me peku suze Tvoje
 Neg se teške rane moje."
 Amen.

Dober vam večer gospodar...

Dober vam večer gospodar
 Na mladom letu veselimu se
 Sinku Jezušu poklonimu se.
 Na hiže vam zelejne
 V hiže nam veselje.
 Daj Bog i mila Marija. Amen.

Budi Bogek z nami...

Budi Bogek z nami semi
 I z našemi dušami.

Molitve Majci Božjoj



"Angelsko pozdravlejnje" u zadružnoj hiži. Mole svi koji su taj čas u kući. (Foto-rekonstrukcija, snimio Vojko 1936)

Marija Mati...

Marija Mati milosti
Mati-milosrdnosti
Od neprijatela nas brani
Vuz nas na smrti stani
Jezuš Marija Jožef
Imena premila
Popelajte dušicu moju v raj nebeski. Amen.

Zdrava budi...

Zdrava budi o Marija
Čista ponizna Devica
Čer Boža, Zaručnica,
Službenica, i Zrodica
Blagoslovljena jesi Ti
Z med svega sveta ženami
Ka si mati zmed materami
Devica zmed devicami
Moli za nas nepokorne
Grešnike pretrdokorne
Da nas Sin Tvoj neodvrže
Na peklensko dno ne vrže
Moli vezda i v(pregorki)
Smrti naše skrajдне vuri.

Zletel je tič...

Zletel je tič papič
Od stanka do stanka
Z gaja tem do kraja
De Marija v hižice
Reč Božu čekala

To ni bil tič papič
Neg to bil jangel Gabriel
Svetem glasom svete cirkve
Zdrava budi Marija
Mati Sinka Božega - Amen.

Jezuš hodi po nebu

Jezuš hodi po nebu
De se duše vesele
Marija po zemle
Krileč vičuč proseč moleč:
"Predragi moj Sinek
Dej Ti meni onu čast
Ku je Tebe Bogek dal
Bog je Tebe ključ dal
Da se pole pojavi
Zlatne late popusti".
Pri Bogu su gostotki
Kakvi jesu gostotki?
Tri Boži jangelki
Kaj prose od Boga?
Tri Bože milosti:
Veru, vufajne, lubav;
Ke nas čuvaju i braniju
Od veka do veka
I sam Jezuš z Marijum doveka. Amen.

Na brežajščecu cirkvica...

Na brežajščecu cirkvica
Svećicami ograjena
Svetem kajem nakajena

Nutrek Marijica kleči
 Sve joj srcece leči
 I svete suzice roji (žufke)
 I svete prste lomi
 Za nas Bogeka moli
 Sveti Peter Mešu služi
 Mikula mu odgovarja
 Milo pita sveti Petro
 O Marija zakaj klečiš
 I svetom srčecu lečiš
 I svete suzice rojiš
 I svete prste lomiš
 Preverno Bogeka moliš
 O moj Petro moj Mikula
 Kak ja nebi klečala
 I svem srcu lečala
 I suze svoje rojila
 I prste svoje lomila
 Verno Bogeka molila
 Em je ovo trejti denek
 Kaj nis Sinka videla
 Sinka svega Jezuš
 Milo veli sveti Peter
 Veseli se o Marija
 Videla buš sinka svega
 Med nas bude taki došel
 A pak veli Marija
 De bi se mogel tak
 Jen grešnik znajti
 Ki bi ovak molil
 Saki petek po pet krat
 I v sobotu po tri krat
 I nedelu v jutrece
 Opčeval bi tri dušice
 Od peklenske muk
 Prvu dušu očkovu
 Drugu dušu majkinu
 Trejtu dušu sam svoju
 Nit se nebi bojal
 Vognu pogoreti
 Ni vodice potopiti
 Ni z ovoga grešnoga sveta odijti. Amen.

Sveta Marija...

Sveta Marija prava Mati Boža
 Gospa Jangelska Kralica nebeska
 Vu se zemelske teškoča obramba
 Naša nebeska
 Moli ti za nas grešnike nevolne
 Preporučaj nas sine nepokorne
 Zagovori nas pred Bogom srditem
 Sluge neverne
 Moli i prosi segdar prez prestanka
 Da ne zgubimu vu nebu ostanka
 Ne ostavi nas nit v našem smrtnem
 Čašku Amen.

Na polu je senčica...

Na polu je senčica
 V senčice je zlaten stol
 Nakol' stola klupčica

Na klupčice Marija
 V krilu si nuna Sineka
 Jezušek ima jabuku
 Potoči Jezušek jabuku
 Da bi nam pole rodilo
 Zotum zlatnum šenicum
 S kum se rane dušice
 Potoči Jezušek jabuku
 V naše vinske gorice
 Da bi nam gora rodila
 Z onum vinskum jagodom
 S kom se služe mešice
 Na Božem stolu
 Pod Božem krovom
 S kum se krepe dušice
 Potoči Jezušek jabuku
 V saku ižicu v naše selo
 Naše je selo zdravo veselo
 K Meše hodilo Boga molilo
 Da bi nam puno dečice bilo
 Da bi nam zdravo veselo bilo.

O Mati Marija...

O Mati Marija
 Svetla Denica
 Moli Bogeka za nas.

Na proščejne skupa (na Bistru)

Odhodek


Po putu mira i sreče naj nas vodi svemogučni i milostivni Bog, i jangel Rafajel nek nas sprevaža kaj se v miru zdravi i veseli nazopet povrnemu.
 Blagosloven Gospon Bog Izraelov ar poodi i odkupi narod svoj
 Srečen put dej nam Bog (Spasitelj) naš Zveličitelj.
 Pute svoje Gospon pokaži nam
 I steze nas svoje vuči
 O da bi se puti naši ramlali
 Vu obvršajnu zapovedi Tvoje
 Kaj je krivorjavo nek bu ravno
 O grambavi puti naj budu gladki
 Jangelom svojem zapovedal je Bog za te
 Kaj te čuvaju na sem putem tvojem
 Gospon z vami
 I z duvom tvojem
 Dopuščaj molimu Te svemogučni Bože kaj družina Tvoja putem zveličejna hodi, navuk blaženoga Ivana Preteče nasleduje i tak srečno dojde k Onomu koga nazvešal Gosponu našemu Jezušu Kristušu koj s Tobom žive...
 Mir i blagoslov Boga semogućnoga + zišel zvrhu vas i ostal za navek. Amen!
 Pojdemu v miru
 V ime Gosponovo

Dohodek

Svemogučni vekovečni Bog, v Tve su ruka dani našega žitka: dej sluga svem dar mira

ke si zdrave pripelal nazaj k segdašnjem delu kaj po Tve zašтите segurno živu. Po Kristušu Gosponu našemu. Amen. Mir...

Poslušajte verno čuda prevelika
Od onoga kipa Device Marije.
Po stravu strašne je turske sile
V zemlu pokopan kade beše skrit. Čez desetero let
Nit človek nijeden za jnega ne znaše
Ali Bog z Marijum kipa v zemlu skrita
Prez vredna poskriva ne hotel imeti
Zato jenu večer du'ovnom Pastiru



Svi su je zvali "Stara Šabanka". Živjela je u Petrovini, ali je redovito dolazila "k Meši na Lomicu". Godine 1941., još potpuno bistra, imala je sto godina. O njoj je brinula osamdesetogodišnja "čerka" Juda. Na pitanje: "Mamico, a kaj delate po celi denek?" milo se smiješi: "A, dečica, kud god hodim z Bogekom se spominam!"... Veselo nas isprača: "Dečica, Bog z vami!" (Snimio Vojko 1941)

Zmolila sem čiselce

Zmolila sem čiselce
Za dušu i telce
Zazvala sem Devicu:
"Primli Mati Marija
Primli čislo rožicu
Okoruni mi dušicu
Za teru je Sinek Tvoj
Podnesel pregorku muku
I položil žitek svoj
Na križnomu drevcu
Naj plakati Marija
Oplakati oču svoju zloču
Da ne zabim Sinka Tvega
Ni zveličejna svega navek veka.
Amen."

Svetlost se pokaže s kipa van po cirkve
Kateri taki vjutro včinil je iskati
I da su ga van znesli taki se počela
Tu čuda činiti z mnogemi grešniki.
Falu dejmo mi Marije Majke naše
Milostivne za velike niz milošče
Ka čini po vsem svetu
I ojzdek takoj v Bistrice
Pri tom svojem čudnom kipu
Kam dohaja vnogi zagovornik.

(Z knjige od "Majke Bože Bistričke" 1688 G.)



Pokora, pokora...

Pokora, pokora, pokora
Zrekla je mati Marija
Širum z rukum kazala
Deklicu poniznu dragala
S prstum križec potegni
Grešnu zemlicu polubi
Sveta hudoga čuvaj se
Segdar k mene obrni se
Časa buš sveta trpela
Za navek vuz me prebivala
Ja sem Devica prečista
Prez greja prvog prijeta
Falen budi Otec i Jezuš Sin
Presveto Trojstvo Duv Sveti ž nem. Amen.

Čašćenje svetaca

Sveta Barbara...

Sveta Barbara
Devica mučenica
Ježuškova zaručnica
Prosimu Te moči i jakosti
Od prelubljenoga Jezušā
Za krvave rane
Za rumenu krv
Ku je Jezuš spuščal
Na križnomu drevcu
Da nam nedaš mreti
Prez Tela Božega
Telo Bože narani nas
Krvi Boža napoji nas
Spod rebra vodica
Operi nam telce i dušicu
Za srebernu molitvicu
Mudrosti premudrosti
Žarkosti prežarkosti
Svetlosti presvetlosti.
(Ki bi ovu malu
Molitvicu zmolil
Jutrum i večerum
Dvaput na klečeč
Triput na stoječ
Bi mu bile zveličene
Tri dušice:
Očkova, majkina
I nega samoga trejtega. Amen.)

Sveta Barbara...

Sveta Barbara, dobre srečne smrti zagovornica, ponizno Te prosimo za nu ljubav s kojum Te po'odil v temnice Jezušek predragi, Tvoj zaručnik, s krvi tve rumene teru si prelejala za veru negovu, prosimu Te da z ovoga sveta srečno preminemu. Amen.
Ko vo zmoli jutrum
I večerum
Te dobiva Boži stan
De prebiva Jezuš sam
Ze svojum svetum Materum
Blaženum Devicum Marijum.

Budi z nami...

Budi z nami sveti križ i zagovor
Svetoga Ivana Krstitela
Koj' je krstil Bogečka i nas po jnem. Amen.

Sveta Katarina...

Sveta Katarina
Roža ružmarena
Šibum šibovana
Bičem bičuvana
Na kolo je vita

Jangelek ju pita:

"Sveta Katarina
Jel' ti muka draga"?
"Kak mi nebi bila
To mi krvca kaple
Z desnoga reberca
Al me više boli
Za Mariju i Sinka
Židovi ga lovili
Pregorko ga mučili
Sveta krvca kapala
Za nas grešne lude
Jangeli je preimlu
Kak i ovu preimlu
Na pesnice pišu
V sveto nebo nosiju
Tam je blagoslavlaju
Svetu Mešu dvoriju. Amen."

Sveta Kata...

Sveta Kata Boga moli
Za putnike za grešnike
Za domare za čuvare.

Sveta Magdalena...

Sveta Magdalena
Prevelika grešnica
Boža pokornica
Jezušā molila
Suzami polevala
Z lasmi ga brisala
Jezuš je je oprostil
Z velike milošče
Tak Jezušek dragi
Budi mene blagi
Oprosti ti mene
Kak i Magdalene
Da bi Tebe falila
Z greom ne žalostila
Da mi budeš napomoč
Saki denek saku noč
Da me greov opčuvaž
Navek z menum ostaneš.
Amen.

Mijal moj...

Mijal moj Mijal
Dušica moja
Vagni mi dušicu
Prvič ju vagne
Levi kraj znavne
Mijal moj Mijal
Dušica moja
Vagni mi dušicu
Drugoč je vagne -
Levi kraj znavne.

Mijal moj Mijal
 Dušica moja
 Vagni mi dušicu
 Trejtič ju vagne -
 Desni kraj z mavne.
 Amen.

Oj sveti Mikula

Oj sveti Mikula
 Rožica z raja
 Tebe se klajnajū
 Si jangelki z raja
 Ti si trem divojkam
 Tri dare daruval
 Daruj Ti i mene
 Oj sveti Mikula
 Jangelek Ti veli:
 "Vstani se vezdaj Mikula
 Pojdi dej' gora
 Odseči smogora
 Odseči bukviču
 Naredi zipčicu
 Rodila bu Marija
 Sineka svega
 Zveličitela pravoga
 Jezuška dragoga.
 Amen."

Sveti Mikula

A sveti Mikula
 Ti zvezdica z raja
 Pomozi i nami
 Ze sveta ovoga
 Do svetla onoga.

Sveti Pavel'

Sveti Pavel pravi putnik
 Ki nam kaže prave pute
 Po vodice po toplice
 De Marija klecala
 Crne oči spirala
 Dušice napajala
 V Boži raj otpravlala.
 Amen.

Sveti Peter

Sveti Peter poglavnik
 Po jnem teče zelenik
 Po zelene travice
 I po tople vodice
 Obrni se Marija
 Sunčenomu ishodu
 I Božemu grobeku
 Na grobeku zelejne
 Budi Bogeku veselje.
 Amen.

Večernje molitve

Praunuk začuđeno motri: "Kaj to stara mamica govori?" (Uči ga moliti krunicu.) U Lomnici pojmovi o majci idu ovim redom: majka - mama; baka - mamica; prabaka - stara mamica; a o djeci: sin/čerka; nuk/ /nuka; prenuk/prenuka (Snimio Vojko 1937)



O moj mili jangelek...

O moj mili jangelek
Ti si mene na krst zval
Ja glej tebe na pomoč
Pomori mi ovu noč
Da mi telce počine
A dušica ne zgine
Sveti Vid vidi nas
Sveti križ križaj nas
O Marija čuvaj nas. Amen.

Jangel moj... (I)

Jangel moj čuvar moj
Dojdi k meni z večerka
Buš me čuval do svetla
Dotmar telce počine
Da dušica ne zgine
Nedaj mi Bog vmreti
Prez Marije premile
Prez Tela Božega
Prez človeka krščenika
Falen budi Jezuš i Marija
Od veka do veka Amen.

Jangel moj... (II)

Jangel moj čuvar moj
Koj me čuvaš po ves den
Čuvaj mene po su noč
Da mi telce počine
I dušica ne zgine
Prez dara Duva Svetoga
A če zdravo vstanem
Bogu falu dajem
A če mrtva vstanem
Bogu dušu dajem
Primli mi ju prelubljeni Jezuš moj
Po moje skrajdne vurice
I za vse veke vekvekoma. Amen.

Jangel moj... (III)

Jangel moj,
Čuvar moj
Bog je meni tebe dal
Da mi čuvaš žitek moj
I devovski ves pokoj Amen.

Idemu spat... (I)

Idemu spat Boga zvat
I Mariju miluvat
Miluvat vu' naj kraj.
Vu naj kraj svetli raj
De sam Jezuš Mešu služi
Na vodico na toplicu
De Marija klecala
Bele ruke mivala
Črne oči spirala
Žute lasi česala
Kudek ž nemi zmavalala

Tudek slava padala
Slava ide po nebu
Križevača po zemli
Križevača moleča
Svetog Petra proseča
Jangeli se poklajnaše
Se nebo(jem) se otpiraše. Amen

Idemu spat... (II)

Idemu spat očka Bogeka zvat
I Mariju pomoliti
Marija je Boža mati
Oče stati i pomoči
Stani stani sinek moj
Pomorem ti križa nesti
Po manenku po kamenku
Tak Marija sakog vpira
Raj nebeski nam otpira
Dober večer
Falem buđi Jezuš i mila Marija.

Idemu spat... (III)

Idemu spat Boga zvat
Celu noč na pomoč
Tam dole v zelen gore
De šobani čreda pasu
De Bogeka spoznavljaju.
Beži beži huda stvar
Ide Bog Samotrejt
Budi nam sveti križ znamen.
Amen, amen, amen.

Bog pomози...

Bog pomози lafku noč
Sveti Iva na pomoč
Sveti Vid vidi nas
Otec nebeski ne ostavi nas.
Amen!

Dej nam Bogek...


Dej nam Bogek
Srečno leči
Zdravo vstati
Z Božem mirum počivati.

V ruke Tvoje

V ruke Tvoje o premili Jezuš
V ruke Tvoje o prelublena Marija
Preporučam dušicu svoju
Vezda i na čas smrti moje Amen

Pomoz nam Bože...

Pomoz nam Bože Marija
S prvoga mraka večera
Večer nam rosa padala
Nu mi Marija gledala
Z onoga dvora od Boga
Od smilnoga Jezuša
Pomози nam Jezuš i Marija.



Franc pl. Arbanas "Zbenašček" pobral je dečicu da po iži ne smetaju i otpelal je v štalu de su kojni. Tu, na toplom, uči ih moliti. (Snimio Vojko 1939)

Sveti Boži Križ...

Sveti Boži Križ
Teri mene (dole) položiš
Sveta Deva Marija
Tera mene (gore) prebudiš
Mili moj jangelek čuvar
Molim te i prosim tebe
Čuvaj me i brani
Da mi telce počine
A dušica ne zgine
Prez Tela lublenoga Jezuška
Z milostjum preodičeg Presvetog Trojstva.
Amen.

Z križem ležem

Z križem ležem
Z križem vstajem
Križ me čuva do pol noči
A Marija po pol noči
Sam Jezuš od veka do veka Amen
Si jangelki do svetuje
Sam Bog višni do vekuje.
Čuvaj nam Bogek družnicu
I sveti Florijan ižicu
I sveti Janton živinicu
Otec nebeski čuvaj nas
Sveta Barbara molí za nas

Saka stvar...

Saka stvar
Na su stran

Jedini Jezuš
I Marija k nam.

Na falu i diku...

Na falu i diku Bogeku, Majke Bože, mojemu jangelku čuvaru, ki je mene čuval i branil ov' presveti denek i ovu presvetu noću od sakoga zla, od neprijatela tela i duše, od nagle i nepripravne smrti. Jezuš slatko ime Jezuš, Marija, sv. Jožef, sv. Barbara, sv. tri Krali, sv. Petro, si sveci i svetičice Bože dojdete mi napamet i napomoć i na moju skrajnu vuricu da se bu moja dušica od telca rezlučevala, rezluči je Jezuš i Marija. Amen.

S kem se porečeš...

S kem se porečeš, taki žnem
se pomiri, nazloba ne drži.

Falen budi Jezuš Kristuš, mila Marija, sveto križno drevce. Prekriži moje grešno telce.
Jezuš Kristuš Nazarenski

Mir i pokoj Boži naj prebiva med nami.
Bog posluni. (Na noć)


Molitva za srečni porod

Bog ki si šakrament ižnoga zakona za reširejne ludskoga roda zastanovil poglej milostivno na mene službenicu svoju ka

zapovesti i odredba Tvoje pokorna
priređujem se dete ko si mi daruval znesti
na svet. Saka je porodila v smrtne pogibeli.
Budi mi na pomoč Otec Bog nebeski i daj

mi kaj bi se srečno rešala deteca spod srca i
Tebe falu dala od veselja kaj se pak zrodi
čovek na svet. Amen.

Molitve za pokojne



*Mali Jožek, dijete bez mame, kraj starinskog
"raspela". Na pitanje: "A de ti je mama?" od-
govarao bi: "Moja mama je pri Bogeku!" (Sni-
mio Vojko 1940)*



Pomozete Boži Sveci jangeli nebeski, prim-
lete dušu negovu ter je zanešete pred lice
Boga semogučenoga.
Amen.

Molemo!

Preporučamo Ti Gospon dušicu sluge
Tvega... da ki je vmrl ovomu svetu Tebi
žive, i za gree ke je po slaboče človečje ozde
včinil da obilno milošću pri Tebi najde po
Jezušu Kristušu našem Gosponu. Amen.

Bože blagoslovi nas se i ovu dušicu ke smu
mrtvo telce položili v mater zemlicu da ju
dragi Bog primle v sveto i naseli med one
verne dušice tere se vesele v dike nebeske z
Ocem, Sinom i Duvom Svetem (Amen). I z
nami sem skupa.

Premiñule dušice dej vam Bogek mir i
pokoj i v Božem miru počivati.



Falen budi Jezuš Kristuš. Dej jem Bogek
mir i pokoj.

Na zadušnice išli si sv. Meše i sv. Telu. Tri
nedele se žalilo vuz ontar svečicami pod sv.
Mešom.

Pobožne reči

Dečica draga. Bogek je dragi se za človeka stvoril, a človeka samo za sebe.

Za decu, imaj je imaj kuliko ti je Bogek dragi dosudi. Sako bu svoj komačec kruva dobilo, samo si je Božega strava navči.

Dotmar je Bogek dal živlejne dal bu i podelejne.

Najte se dečica plakati i vi bute mrli. Roditi se i vmreti v suza mora.

Dečica draga ne nas strav vmreti če bu korak grobeku korak Bogeku.

Saki je svetec od sega samo ga treba pomoliti.

O Bogek moj i pečina se pod Tve noga zmekšala, a srce človečje neče.

Se mora jen put prenestati sama reč Boža nigdarek.

Spodobno

Nevenka pl. Stepanić, izraziti tip mlade Turapoljke (snimio Tošo Dabac 1942)



Na prošcejna i gode v cirkve se je lubil križec pri ontaru i oko ontara išlo.

Da mešnik ide k ontaru si su se zdigli koj na evangelijske.

Na ime "Jezuš" i "Marija" si su malko glavu naklajnali ali koj poklecali i rekli: Fala mu i dika budi.

Kak bi se moglo o prošcejnu mešnika naraniti i podvoriti ludi su se dogovorili i odredili da pedu po selu od iže do iže. I tak su navek dobili.

Pastiri na paše ki su šтели krunicu moliti a čisla nisu imeli su si drvenu palicu zarezavali na deset meste.

Žene su križale svetem križom kruc prede neg se rezal, ogen začimajuč, jelo i tak se.

Ki pole naseva dene škrak na meju prekriži se, zagradi semena i v križ ga resita i veli: "Bog te prekriži i blagoslovi! Da bi bilo rodno i plodno." Naseval z nasevača.

Na kraju zemlu prstom prekrižil veleč: "Fala Bogu na otem kak bu više za otem i prekrižal se i molil i pokrili se.

Negda su ludi da su orali na sake glavice Boga pomolili.

Na pisanice zdrapleju: IHS, MARIJA, ALLE-LUJA

Tesari da ižu delaju negde zadelaju i križ od drenovine i sv. vodum poškrope.

Če zvoni na podigajne odkriti se i križati a ki su bliže poklekneju.

Da se vrata na večer zapreju, križa se s ključom, ali z rukom.

Seme za nasevati sv. vodum poškropiti.

Na Novo leto prede neg idu jest okolom stola klekneju i mole.

Zajdni snop jena žnačica v zrak hiti i veli: Dej Bog tak visoku pogaču!

Da se krv v peč meče se reče: "Pomozi Bože. Prvi čestit i si drugi za jnem."

Križati se prede mivajna.

Prekriži Bože! (*Jelo ide mimo*)

Rekli za pogaču da su je težakom donesli:
"Dej Bog kuliko ovo leto široka tuliko k letu debela."

Treja ovak ižu blagosloviti da se nečista sila po jne ne pomeče:

"Prekriži nas dragi Bog nas i naše pokojne družine grobeke, našu ižu kam se shajamu, naše poste de si počivamu, naše pilo i jelo i se naše dobro delo. A v kakvo ime? V ime Oca i Sina i svetoga Duva. Amen."

Falen budi Jezuš Kristuš i Marija mila. Pomozi Bože. Dej nam Bog dober čas i dober pospeh. Če je rano da bi bilo zdravo, če je kesno da bi bilo pospešno. V ime Bože. (*Na polu*)

Prazna zemlica ostala, puna Božeg dara dočkala. Bog dej i Marija mila. (*V jesen*)

Pred orajne se križ naredi pred voli s biščalom i za plugom za zatkom i veli:

"Pomozi Bog i sveti Židor" (*ili*):

"Bože pomozi tuliko puti kuliko je travice po zemle i listja na drevu."

Na koncu:

Fala Bogu i Majke Bože!

Zazivi, pozdravi i želje

Reče se na Novo leto: Bog dej celo leto zdravo i veselo da bi nam dukati dukali v žepe koj debele repe.

Došlo nam je novo leto pomozi nas Bog!

Dej nam Bog dober večer i Boži mir i blagoslov.

Očemo lublenoga Jezuš a na pomoć zazvati.

Budi jem napomoć Marija i sv. Jožef ki su prvi zaručniki.

Pomozi Bože i jaka zdrava večer.

Bog čuvaj i brani.

Sv. Jana mamica Boža za nas moli vnuka svega Jezuš a

Sveti Tri Krali blažene jakosti.

Bože pomozi i sreća priskoči.


Bog posluveni!

Kudek ja z ovem kajom tudek Gospon Bog svojum milošću i blagoslovom!

Sveto mesto posveti me i pomozi me

Tu budi Bog i Marija. Navek Amen.

O Bogek moj Ti me z neba glediš. Ne vem i ne razmem kaj je ovo z menum. Resveti ti mene.



Delek svete mešice i blagoslova. Bog daj!

Nečisti! Poteri ga Boža jakost, sveti križ i cirkveno kamejne (moći).

Dej nam Bog pri te resce korosti.

Te su mi rečice onak lublene i prisajene: "Božeg stvora kršćenika, Božu dušicu nosim. Pomozete mene i memu detecu o Jezuš, Mati Marija i sveti Jožef."

Bog nas opčuvaj i brani i sveti Florijan i spasi dušice naše od vekuvečnoga ogn a.

Bogek nas oslobodi te napasti i nazlobosti.

O Marija ja se Tebe zručam i preporučam v Tvoje svete ruke.

V ime Jezuš evo i svetoga Ivana ki je krstil Bog i mene. (*S križem*)

Dej Ti Bogek naš mir i pokoj, raj nebeski i svetlost jangelsku.

Na zvono: Pomozi Bože i reč Boža.
A pomozi Otec i Sin i Duv Sveti i resveti
pamet i sreću i zdravjice i pomozi slavno
ime JEZUŠ.

Budi nam Bog na pomoći v danu i v noći v
sake sile i potreboči.

Z Bogom! Srečno!

Falem budi Jezuš i mila Marija lepi moj
beli cvet vam se poklajna ves široki svet (*V
cirkve*)

Bog ti oprost, i tebe i mene i ne daj ti zla
čez sebe nositi ni grešiti.

Falen budi Jezuš Kristuš. Navek Amen.
Dober večer Bog daj. I tebe.

Falen Bog. Navek Bog fale vreden i Marija.

Sreću Bog dej. Bog dej tebe sreću i zdravje.

Kam če Bog da? Otkudek če Bog da?

Za dete: Dej mu o Bog moj mir i pokoj,
čuvaj mi ga o Mati Marija, brani ga dragi
jangel čuvar, detešce moje drago.
Dej ti Bog sreću i zdravlice kam se godek
geneš i okreneš.

Da bi Bog dal roda i ploda! (*Želja*)

Zdravo jutro Bog dej. Bog dej i tebe.

Nazdravje Bog dej, živeli Bog dej (*Trkajuč
peharce*)

Dej ti Bog zdravje. Dej ti Bog leže.

Kam je bliže dej ti Bog brže. (*Na samrti*)

Mir Boži z vami. Bog daj.

Z Bogom dotmar se ne vidimo.

Lafka noč. Bog z Marijum napomoč.

Bog! Jezuš Kristuš! Fala mu i dika budi. (I
Marija!)

Falem budi Jezuš Kristuš i Marija iža Boža i
vrata nebeska. Došel sem te po'oditi i pom-
oliti i svetu vodum poškropiti.

Doje Boži? (*Na vratima*)

Bog ti pomozi! Bog ti dej zdravje! (*Da
kevne*)

Dej vam Bog, deklice, mlade snažne ju-
nake.

Bog ti dej dobro zdravje i (nam) pravičnu
pamet.

Fala Bogu i slava svetomu Evangeliumu.

Fala! Fala Bogu i Marije (Uz dar)
Fala Bogu i vam ki pitate, dobro! (Kak je?)

Lepo zafalim Bogeku Očku nebeskomu i
vam ki ste me sirotu nadelili. Bila z vami
Marija Pomoćnica i si sveci. (*Bogec na vrati*)

Da se z doma otijde se reče:
Domari gospodari dragi naši jangeli čuvari
čuvajte nam i vezda našu ižu dotmar se v
ime Bože povrnemo.

Od trejte nedele v Korizmi nisu vino pili i
jen pazil da ne pil nigdo.

Gdar zvoni zvonar se mora k ontaru obrnuti.

Zvonar: Stran zvoni ali križa - samo zvona
na-cukava kak kućetki pod jen kraj samo
vudiraju

Za mrtveca: z jenem kućetkom pri zvonu
tuče z rukom samo pod jen kraj (vekše zvo-
no), z menšem zvonom maše zvoneč. Na tri
mava za muško, na dva za žensko, na jen
za dete - jutro i večer. Zvoni koj veleč: duša
neba, telo zemla.

Za sv. Mešu: Tri put z vekšem zvonom, jen-
put skupa, i z menšem zvonom. Tak i na
podigajne z jednem (mejnem)

Nedelu ni nigdar posta.

Neobsluž a se, po prepovedi svete Matere
Cirkve, svadba, aliti svadbeno gošćejne od
prve nedele došestja do Tre kral i takaj, od
pepelne srede, do prve nedele po Vuzmu.

Da si polegneju večer, a nutrek je žena po
porodu, nakadeti temjanom, pak da do i do-
jde, lepo mu reči na obluk: Oprosti, če
moreš, poveč, ovak smo vezda nakadeli!

Če dete više v sejne i muči se naj ga mati
pobožno križa svetum vodum. Otec pak naj
veže sakom detetu križec pod vrat ali pak
malko temjana posvećenoga v krpice na prsa.

Ovak reci ze šale: Mladi mesec pomladi ti
mene kak i sam sebe, da tebe kačica grizne,
mene glava zaboli.

Znati se pred sako križno drevo pokleknuti
i postati.

Rekli su stari: Če nismu bili pri M.B. Bis-
tričke pemu k sestrice M.B. Vukovinske.

Pemu svetomu Roku i jenomu obroku.

Navade

Svetki i nedele

Četrnaest sv. pomočnikov
Sv. Šofija, devica i mučenica - Šofa - Sredu
na Lomicu i veliki post
Križevo
Sv. Jela, devica i mučenica - Jelka, Jelica
Sv. Medur biškop
Navečerje Trojakov
Trojaki
Trojački ponedlek
Sv. Ivan Nepomucin
Sv. Janton Padovanski
Sv. Vid - Videk, Vidan - od oči
Sv. Alojzije - Lojzek, Lojzič, Lojzina
Srce Jezusevo
Srce Marijino
Sv. Ivan Krstitel - Ivič, Ivanec, Ivina, Ivek,
Ivec
Sv. Peter i Pavel apostoli - Petrek, Perica
Pohodejne Marijino - ne žeti
Sv. Margareta - ne žeti, ne seno sušiti, ni
krmu voziti
Sv. Ilija prorok - ne seno voziti
Sv. Marija Magdalena
Sv. Jakob apostol - Jakopec
Sv. Jana - Janica, Janek, Janča - od poroda i
smrti
- od denes na deveti den na Bistru iti -
Zaštitnik tkalcov
Snežna Majka Boža
Bože lice
Sv. Lovra mučenik - Lovrek, Lovrinec - od
zimice i trapavice
Sv. Rok - od kužne bolešče
Sv. Klara devica - Klarica - od krvotoka
Velika Meša
Sv. Bartol apostol - Bartolec - kojne oko cir-
kve po zagovoru voditi
Sv. Augustin biškop
Glavosek Sv. Ivana Krstitela
Sv. Rozalija - Roza, Roža, Rožica
Mala meša - Majka Boža Trsna - v Dubranec
k prošejnu iti
Sv. Matej evangelist - Matič - grojzdje po-
debirati
Sv. Mihal arhkangel - Mihalec, Mihalinec
Sv. Jeronim
Sv. Angeli čuvari - ne presti
Sv. Franciško Asiški
Sv. Terezija - Rezica, Reza
Sv. Luko evangelist - Lukič, Lukec
Rafael arhangel
Sv. Šimun i Juda apostoli - Šimec
Sesvete - Prvi Božič
Mrtvi god
Sv. Karlo Boromejski, biškop - Karlek,
Dragec, Karlina, Karlica
Sv. Martin, biškop - Martinek

Sv. (Gentruda) devica - Sv. Jadra
Sv. Katarina devica i mučenica - Katica,
Katalena, Katič Katek
Sv. Jalžabeta - Jalžica, Jalža
Klukovo (Ime Marijino)
Sv. (Cecilija) Cila - ne presti
Sv. Toma Akvilski
Sv. Terezija od Maloga Jezuska
Sv. Andraš apostol - Jandraš
Sv. Frajno Kšaverski - Francek
Sv. Barbara devica i mučenica - Bara, Bari-
ca, Barek
Sv. Mikula biškop - Mika, Mikek, Mikulec -
ne presti ni tkati - zaštitnik ceha mli-
narov
Prečisto prijetje Marijino - Marica, Mara,
Marenka, Marek
Sv. Judita udovica - Juda, Judica, Judka - od
krvotoka
Sv. Lucija devica i mučenica - od oči - ne
šivati - Zaštitnik čizmarov
Čakajne poroda Marijinoga
Sv. Tomaš apostol - Tomec, Tomek
Bajdnak
Božič
Sv. Štefan mučenik - Števa, Števan, Števek,
Štefica
Sv. Ivan apostol - Janko, Jankek, Jankela
Drobna dečica
Sv. Tomaš biškop i mučenik
Sv. David
Sv. Silvester
Ime Jezusevo
Navečerje sv. Tre Kralov
Sv. Tri Krali - Boltižar
Sv. Pavel pustinjač - Pavlec, Pavlek, Pavela
Sv. Janton pustinjač - Jantonec od živine,
nositi vu cirkvu po zagovoru jajca, sira,
bunceka i tak
Sv. Fabijan i Šebastijan - Fabec - od kuge i
kolare - Zaštitnik kožarov
Sv. Vincek vojniki i mučenik - Vinca - ne
presti - trsje zarezavati i šrkopiti - doma
nositi kitičke i vode je držati
Sv. Neža devica i mučenica
Zaruki Marijini
Obrnejne sv. Pavla - Zaštitnik sambolcov
Sv. Frajno Saleški, biškop - od glavobole
Sv. Ivan Zlatousti - od vusnic i jezika - ne
presti
Sv. Ignac biškop i mučenik - Nacek
Svečna Majka Boža
Sv. Blaž biškop i mučenik - Blažek - od grla,
jabuke nosili v cirkvu na blagoslov i
grličali se
Sv. Jagata devica i mučenica - Jaga, Jagica -
od prsa
Sv. Doroteja devica i mučenica - Dora, Dori-
ca, Dorka

Sv. Valentin škup i mučeni - Valent,
Valek - od padovice i krčov - ne presti -
Zaštitnik kolarov
Sv. Apolunija - od zubi
Majka Boža Lurdska
Sv. Matija apostol - Matek, Mata, Matijašec
Sv. Grgur papa - Grga, Grgec
40 mučenikov
Sv. Jožef - Jožek, Joža, Jožica, Jožinec, Jožič,
Jožina, Joško, Pepek
Gabriel arhangel
Majka Boža Sadovena
Sedem žalosti - Žalosni petek
Velika sreda
Veliki četrtak
Veliki petek

Mlečna sobota
Vuzem
Vuzmeni pondelek
Bela nedela - daju mladi jen drugomu
pisanice - Prva ljubav - Matkajne.
Sv. Juraj vojni i mučeni - Jurek, Jurko,
Jurec, Jurič, Jurina, Jurinec, Jurica -
Zaštitnik mesarov
Sv. Marko evangelista - Markec, Markan -
Blagoslov pola. Donese se s pola malo
blagoslovenog žitka.
Sv. Filip i Jakob apostoli - Sejem slugov
Sv. Florijan vojni i mučeni - Furijan -
Zaštitnik kovačov
Sv. Židor ratar - Židorec